

Umrla nobelovka Wangari Maathai

Prva dobitnica Nobelove nagrade iz Afrike Wangari Maathai umrla je u Nairobiu u 71. godini, nakon što je izgubila bitku sa rakom.

Maathai je dobila Nobelovu nagradu 2004. zbog zaštite životne okoline, promocije prava žena i borbe za transparentan rad kenijске vlade. Tokom karijere radila je kao ministrica u kenijškoj vladi, a 2002. izabrana je u parlament. Maathai je osnivačica organizacije Green Belt Movement, koja je u Africi zasadila između 20 i 30 miliona stabala.

Profesorica anatomije životinja svjetsku slavu je stekla borbom protiv uni-

štenja šuma u Keniji krajem 80-ih i početkom 90-ih godina prošlog vijeka. Tokom vladavine predsjednika Daniela Arap Moia nekoliko puta je hapšena i zlostavljana.

Prije tri godine napadnuta je suzavcem tokom protesta zbog plana kenijškog predsjednika da poveća broj ministarskih mjesta. Tokom primanja Nobelove nagrade izrazila je nadu da će njen uspjeh potaknuti druge žene da preuzmu aktivniju ulogu u društvu.

- Nadam se da će ih ovo ohrabriti da dignu glas i preuzmu ulogu u vodstvu, rekla je Maathai.

